



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CLXXVIII. Declaratur Terra Roncilionis Civitas.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

CLXXVIII Erigitur Motu proprio Terra Roncilionis in Civitatem.

Alia hujus Const. ed. 1725. Jul. 16. P. 2. erectum fuit Oppidum Montis Curvi in Civitatem.

Dat. 28. Maji 1728. An. 4

BENEDICTUS PAPA XIII.

Ad perpetuam rei memoriam.

Exordium.

Preces Universitatis Terræ prædictæ.

Erectio ejusdem in Civitatem.

Clausula.

In supremo Militantis Ecclesiæ folio meritis licet imparibus per ineffabilem Divinæ bonitatis abundantiam constituti, ad ea propensis studiis intendimus, per quæ Terrarum temporalis S. R. E. ditionis decor amplietur.

§. 1. Cum itaque, sicut Dilecti Filii Priores, Consilium, ac Universitas, & Homines Terræ nostræ Roncilionis Sutrinæ Diocesis Nobis nuper exponi fecerunt, dicta Terra Governatorem cum titulo Judicis, & novem loca, nempe Caprarolam, Canepinam, Valleranum, Fabricam, Crocchianum, Castrum S. Eliæ, Burghettum, Insulam Farnelianam, & Vicum eidem Judici subiecta habeat, necnon quinque mille, & sexcentos circiter Incolas, & habitatores contineat, ac in ea Sæcularis, & Collegiata Ecclesia, cum Archipresbytero, & viginti uno Canonicis, Parochiali Ecclesia, quatuor Ordinum Regularium Conventus, & Collegium Clericorum Sæcularium Doctrinæ Christianæ, Tertiariorum Ordinis Sancti Francisci Conservatorium, septem Confraternitatum Oratoria, tria Hospitalia, unum pro Infirmis, & alterum pro Convalescentibus, & reliquum pro Peregrinis reperiantur, ipsi Exponentes pro eorum, ac Terræ hujusmodi, necnon singulorum Incolarum, & habitatorum decore Terram ipsam Civitatis nomine insigniri sumopere desiderant; Nobis propterea humiliter supplicari fecerunt, ut sibi in præmissis opportune providere, & ut infra indulgere de benignitate Apostolica dignaremur.

§. 2. Nos igitur ipsos exponentes specialibus favoribus, & gratiis prosequi volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum, harum serie absolventes, & absolutas fore censentes hujusmodi supplicationibus inclinati, ac etiam Motu proprio, ac ex certa scientia, & matura deliberatione Nostris, deque Apostolicæ potestatis plenitudine, Terram Roncilionis prædictam Civitatem Roncilionis nuncupandam, tenore præsentium perpetuo erigimus, & instituiamus; Ac Terram prædictam Incolas, & habitatores prædictos Civium nomine decoramus, ita tamen, ut nunc, & pro tempore existens Episcopus Sutrin. in ea residere minime teneatur, sed Terra hujusmodi in Civitatem sic erecta, Cathedrali Ecclesiæ Sutrinæ, ut prius subiecta remaneat.

§. 3. Decernentes easdem præsentis literas, & in eis contenta quæcumque etiam ex eo quod quicumque in præmissis jus, vel interesse habentes, seu habere quomodolibet prætendentes, illis non consenserint, nec ad ea vocati, citati, & auditi, neque Causæ propter quas præsentis emanarint, sufficienter adductæ, verificatæ, & justificatæ fuerint, aut ex alia, quantumvis legitima, & privilegiata causa, colore, prætextu, & capite, etiam in corpore Juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, seu intentionis No-

stræ, aut interesse habentium consensus, aliove quolibet, etiam quantumvis magno & substantiali, ac incogitato, & inexcogitabili, individuamque expressionem requirentem defectu notari, impugnari, infringi, retractari, in jus, vel controverham revocari, aut ad terminos Juris reduci, aut adversus illas aperiitionis oris, restitutionis in integrum, aliudve quodcumque Juris, facti, vel gratiæ remedium impetrari, seu impetrato, aut etiam motu, scientia, & potestatis plenitudine paribus concessio, vel emanato quempiam in Judicio, vel extra illud uti, seu se juvare ullo modo posse, sed ipsas præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari. Sicque in præmissis per quoscumque Judices Ordinariorum, & Delegatos, etiam Caesarum Palatii Apostolici Auditores, & S. R. E. Camerarium, ac alios Cardinales, etiam de Latere Legatos, & alios quoscumque quavis præminencia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, & quatenus opus sit Terræ præfatæ, aliisque quibusvis etiam Jumento, confirmatione Apostolica, vel quavis firmitate alia roboratis Statutis, & consuetudinibus, privilegiis quoque, Indultis, & literis Apostolicis quibusvis personis, & locis sub quibuscumque verborum tenoribus, & formis, ac cum quibusvis, etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis, in genere, vel in specie, ac alias in contrarium quomodolibet concessis, approbatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquiritæ forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata exprimerentur, & infererentur, præsentibus pro plene, & sufficienter expressis, & insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die XXVIII. Maji MDCCXXVIII. Pontificatus Nostri Anno IV.

Damnantur, & prohibentur Folia quædam Gallico idiomate impressa, quorum titulus - *Consultation de Messieurs les Avocats du Parlement de Paris au sujet du jugement rendu à Ambrun contre Monsieur l'Evêque de Senes.*

Clem. XI. Const. ed. 1713. Sept. 8. P. 13. damnata fuerunt quamplures propositiones ex lib. sub tit. Nouveau Testament, &c., & alia hujus Const. ed. 1728. Jun. 25. P. 5. damnantur duo libri Gallici.

BENEDICTUS PAPA XIII.

Ad perpetuam rei memoriam.

§. 1. **N**uper ad Apostolatus nostri notitiam, non sine maximo animi nostri dolo-

Derogato-
riz.

CLXXIX.

Dat. 9. Junii 1728. An. 5.

Facti expo-
sicio.

re,